

রাজনীতি

প্রধানমন্ত্রী তারেক রহমানের সঙ্গে সাংগঠনিক বৈঠকে এমপি ডা. ইকরামুল বারী টিপু

প্রতিবেদক: নওগাঁ প্রতিনিধি

প্রকাশের তারিখ: শনিবার, ০১ আগস্ট ২০২৬, ০৭:২৩ PM



নওগাঁ প্রতিনিধি

বাংলাদেশ জাতীয়তাবাদী দল (বিএনপি)কে তৃণমূল পর্যায়ে আরও সুসংগঠিত ও শক্তিশালী করার লক্ষ্যে রাজশাহী বিভাগের জয়পুরহাট ও নওগাঁ জেলা শাখার নেতৃবৃন্দের সঙ্গে এক গুরুত্বপূর্ণ সাংগঠনিক আলোচনা সভায় অংশ নেন বিএনপির চেয়ারম্যান ও প্রধানমন্ত্রী তারেক রহমান।

শনিবার (১ আগস্ট ২০২৬) বিকেল সাড়ে ৫টায় রাজধানীর গুলশানে বিএনপি চেয়ারম্যানের কার্যালয়ে এ সভা অনুষ্ঠিত হয়। এতে রাজশাহী বিভাগের বিভিন্ন পর্যায়ের নেতারা অংশ নেন। সভায় দলের সাংগঠনিক কার্যক্রম আরও গতিশীল করা, তৃণমূল পর্যায়ে নেতা-কর্মীদের মধ্যে ঐক্য আরও সুদৃঢ় করা এবং আগামী দিনের রাজনৈতিক কর্মপরিকল্পনা নিয়ে বিস্তারিত আলোচনা করা হয়।

সভায় নওগাঁ-৪ (মান্দা) আসনের সংসদ সদস্য ডা. ইকরামুল বারী টিপু উপস্থিত থেকে মান্দা উপজেলার সাংগঠনিক কার্যক্রমের বিভিন্ন বিষয় তুলে ধরেন। তিনি দলীয় নেতা-কর্মীদের ঐক্যবদ্ধ থাকার পাশাপাশি সাধারণ মানুষের কল্যাণে আরও আন্তরিকতার সঙ্গে কাজ করার ওপর গুরুত্বারোপ করেন।

ডা. ইকরামুল বারী টিপু বলেন, জনগণের প্রত্যাশা পূরণ এবং দলের সাংগঠনিক ভিত্তিকে আরও শক্তিশালী করতে তৃণমূল পর্যায়ে নেতা-কর্মীদের সঙ্গে নিয়মিত যোগাযোগ বজায় রাখা অত্যন্ত জরুরি। তিনি দলীয় শৃঙ্খলা বজায় রেখে বিএনপির আদর্শ ও কর্মসূচিকে সাধারণ মানুষের কাছে আরও বিস্তৃতভাবে পৌঁছে দেওয়ার আহ্বান জানান।

সভায় প্রধানমন্ত্রী তারেক রহমান নেতা-কর্মীদের উদ্দেশে গুরুত্বপূর্ণ দিকনির্দেশনামূলক বক্তব্য দেন। তিনি তৃণমূল পর্যায়ে নেতাদের জনগণের পাশে থেকে কাজ করার পাশাপাশি দলের সাংগঠনিক কার্যক্রম আরও গতিশীল করার আহ্বান জানান।

সভায় উপস্থিত নেতারা আশা প্রকাশ করেন, এ ধরনের উদ্যোগের মাধ্যমে বিএনপির সাংগঠনিক কার্যক্রম আরও শক্তিশালী হবে এবং তৃণমূল পর্যায়ে দলীয় কার্যক্রমে নতুন গতি সঞ্চার হবে।

এ বিভাগের আরও খবর



আমির হামজা এমপির ওপর হামলা, জামায়াতের তীব্র নিন্দা ও প্রতিবাদ
কুষ্টিয়া-৩ (সদর) আসনের সংসদ সদস্য মুফতি আমির হামজার ওপর হামলার নিন্দা ও প্রতিবাদ জানিয়েছে বাংলাদেশ জামায়াতে ইসলামী কুষ্টিয়া জেলা শাখা শনিবার...



রাষ্ট্রপতি নির্বাচনে মির্জা ফখরুলের মনোনয়নপত্র বৈধ ঘোষণা
রাষ্ট্রপতি নির্বাচনে বিএনপি মনোনীত প্রার্থী মির্জা ফখরুল ইসলাম আলমগীরের মনোনয়নপত্র বৈধ ঘোষণা করেছেন প্রধান নির্বাচন কমিশনার (সিইসি) এ এম এম...



রাষ্ট্রপতি নির্বাচন: অলি আহমদের মনোনয়নপত্র বৈধ ঘোষণা
আগামী ২০ আগস্ট অনুষ্ঠিত হতে যাচ্ছে ২৩তম রাষ্ট্রপতি নির্বাচন। এই নির্বাচনকে সামনে রেখে ক্ষমতাসীন দল বিএনপি ও প্রধান বিরোধীদল জামায়াতে ইসলামী...



৯৮ শতাংশ গ্যাসের নিয়ন্ত্রণ একটি বিশেষ দেশের হাতে তুলে দেন হাসিনা
চিফ হুইপ মো. নূরুল ইসলাম বলেছেন, বিগত সরকারের সময় দেশের ৯৮ শতাংশ গ্যাসের নিয়ন্ত্রণ একটি বিশেষ দেশের হাতে তুলে দেওয়া হয়েছিল। বৈরাচারী সরকার...